

Goibekokale

ELGETA / Barikua / 2001eko abenduaren 21a / 80. zenbakia

KOORDINATZAILEA: Oxel Erostarbe • Barrenkalea, 33 2570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com

Abenduaren 22an Intxortatik etorriko da Olentzero haurren gutunak jasotzera

OXEL EROSTARBE

Konturatu orduko aurtengo urtea ere amaitu da. Hotzarekin batera, heldu dira aurtengo Gabonak, eta bailarako herri guztiak moduan, Elgeta ere argiztatu dute. Gainera, bihar iluntzean etorriko da Olentzero herriko haurrek idatzitako gutunak jasotzera.

Bihar zapatua, iluntzeko 19:00etan etorriko da Olentzero herriko neska-mutikoen gutunak jasotzera. Aurten Intxortatik etorriko da Olentzero, eta Salvador kalearen amaieran egingo diote ongietorria haurrek. Intxortatik astoan jaitsiko da aurtengoan Olentzero, eta herrian zehar ibili ondoren plazara joango da haurrekin hitz egin eta hauek idatzitako gutunak jasotzera.

Goizean, eskolako haurrak Gabon kantak abesten ibiliko dira herriko kaleetan.



ARTXIBOA

Aurtengoan astoan etorriko da Olentzero herriko neska mutikoen gutunak jasotzera.

GABONETAKO HAUR PARKEA

Aurtengoan Maya ingurune taldeak izango du Gabonetako Haur Parkea antolatzeko ardura. Abenduaren 28an, urtarrilaren 3 eta 4an arratsaldeko 15:30etik

18:00etara zabalduko ditu atea parkea.

Abenduaren 28an, barikua, Jolasez blai eguna antolatu dute. Herri kirolak, lehiaketak eta

hainbat joko izango dira.

Urtarrilaren 3an, eguna, Artisanen eguna egingo dute. Denetariko eskulanak eta sukaldaritzak ikastaroa izango dute haurrek.

Amaitzeko, urtarrilaren 4an Azoka eguna izango dute. Egun horretan tonbola egin eta musikarekin jolasteko aukera izango dute haurrek.

Zapatu goizean, eskolako umeak kalez kale ibiliko dira Gabon kantak abesten

Iluntzean plazan egongo da Olentzero haurrekin, euren gutunak eta eskariak jasotzeko

Maya ingurune taldeak izango du aurtengoan Haur Parkearen ardura

JENTREBISTAK/ Zer pentsatzen jatzu espaloiari emondako erabilera?



MIREIA MARKIEGI
37 urte

Holako edifiziua, eskolia bakarrik izateko oso haundixa pentsatzen jata. Tabernia jartzeko asmua dagola entzun dot, neri ondo pentsatzen jata.



IRAITZ BOLINAGA
20 urte

Ekintza batzutara jua izan naiz. Ez dot uste lehenau baiño gehixau egin diranik. Kulturarako diru gehixau egongo litzake Kafe Antzokixa eginda.



ELI AGIRREZABALAGA
41 urte

Ekintzak egin diran arren, inbertidu zan diruantzat gutxi izan dira. Ez dot uste Kafe Antzokixak ekintza gehixau egotia ekarriko dabenik.



ETOR SARASUA
27 urte

Egin zan inbersiñua kon-tuan hartuta, lokala gauza gehixau egitteko erabili biharko litzake. Aretuari bizitasuna emongo litzake Kafe Antzokixak.



MIREIA BERRIOZABAL
30 urte

Ekintzak egin dira, baiña ez dot uste lehenau baiño askoz gehixau diranik. Lokala eginda dagonez, Kafe Antzokixa egittia ondo ikusten dot.

LABUR

Gabonetako pilota txapelketa hasiko da abenduaren 27an

Abenduaren 27an hasiko da haurrentzako Gabonetako pilota txapelketa. Dagoeneko 40 bat neska-mutikok eman dute izena, baina garaiz dabil-tza oraindik eman ez dute-nak.

Sei eta hamahiru urte bitarteko umeek, mailatan banatuta hartuko dute parte txapelketan.

Txapelketako finalak abenduaren 31n izango dira. Sari banaketara bailarako pilotari ezagunak ekartzeko asmoa daukate antolatzaileek.

ELKARRIZKETA

ENRIKE GORROTXATEGI/KULTUR TEKNIKARIXA

“Kultur teknikari moduan guztiz ados nago Espaloia Kafe Antzokixakin”

O.E.

Kafe Antzokixan proiektuakin aurrera egittia erabaki danetik, Goibekokin siñatu biharreko hitzarmena gertatzen, proiektua finantzatzeko moduen billa eta egin biharreko billerak gertatzen dihardu teknikarixak.

Kultura batzordiak Espaloia aretua ekipatzen juateko proiektua eskatu dau, zein da asmua?

Toledo Taldiari Espaloia Kafe Antzokixan proiektua egiteko eskatzea erabaki giñuan. Proiektua egitten dan bittartian Goibekokin hitzarmen bat siñatzea da asmua, gero aretua ekipatzen juateko nahixakin.

Zer gauza hartuko dittu kontuan proiektuak?

Eskatu dan proiektuakin, barrua ekipatzia gura dogu. Barrua esaten dogunian, argiak, soiñua, jendia egoteko lekua egokitzea, taberna-jatetxia, lokalan diseñua eta iluminaziñua...esan gura dogu. Aretuan, Kafe Antzokixan proiektua aurrera eruateko bihar dan azpiegituria jarri nahi dogu.


Beste taldien eritzixa kontuan hartuko dozue?

Bai, proiektua egiten daben artian, aretuan inguruan interesa dauken talde eta erakundiekin egongo gara. Proiektua azalduko jakue eta beren eritzixa jaso. Proiektuan gainian kontsentsua lortzen saiatuko gara. Beste taldiek lekua eukiko dabela esan izan dau beti Goibekok.

Proiektua aurrera eruateko oztoporik badago?

Ez dakit oztopua dan, berba eginda gauzak konpontzen diralako. Oztopua baldin badago, Guraso edo Eskola Kontseillutik egin leike.

EAJ, Batasuna eta Gurasuak azaldu izan dabe, berez proiektuan alde dabela. Zein da kultur teknikarixan eritzixa proiektuan gainian?



O.E.


Espaloia aretua Kafe Antzokixan proiektua aurrera eruateko moduan ekipatu gura dogu

Kultur teknikari moduan, Kafe Antzokixan proiektuakin guztiz ados nago. Ez dot ikusten iñungo inkobenienterik, aretua egunero zabaltzian. Beste gauza bat, eskolakuekin edo egon leizken arazuak dira. Teknikari moduan proiektuan alde

egoteko arrazoiak badarela pentsatzen dot.

Goibekon proiektua aurrera ez bada eruatzen, zer irtenbide ikusten dötzazu aretuari?

Irtenbide haundirik ez, gutxi gorabehera orain arte moduan aurrekontuak emoten dabanakin gauza puntualak egitten jarraituko giñuke. Udalak beti eukiko dittu mugak aurrekontu alde-tik. Goibekok, dirua ataratzeko beste era bateko azpiegituria eruango leuke aurrera. Diru hori kulturarako erabiliko daben alde-tik, ondo ikusten dot azpiegitura hori jartzia. Proiektua zelan finantziau pentsatu bihar dogu, Udalaren asmua Kafe Antzokixan proiektua bultzatzia da eta.



Xabier eta Haritz txapelaren bila

Tolosan jokatuko dute DV txapelketaren finala Xabier Ubera eta Haritz Laskurainek zapatuan. Arratsaldeko 16:30ean hasiko dira finalak. Ozkarbiko pilotariak txapela irabaztera irten-go direla ziurra da, hala ere, lan handia egin beharko dute Agesta eta Argoteri irabazteko. Goizean, ekitaldi bereziak izango dira txapelketaren hamargarren urteurrena dela eta.



Gabonetako bolo txapelketa aurrera

Zapatuan, abenduak 22, gaueko 23:00etan, Gabonetako bolo txapelketaren hirugarren jaurtitzea izango da. Oraingoz nahiko estu dago sailkapena, Sabin Arriaga, Sebas Arantzabal eta Amateo Goenagak seina txirilo botata dituzte eta. Txapelketa amaitzeko zapatuko eta abenduaren 29ko jaurtitzeak geratzen dira. Ea aurtengoan nortzuk diren txapeldunak.

Aintzane denda



zugandik gertu, behar duzun beste

Domingo Iturbe 4, ELGETA
Tel: 943 768297



RECYDE, S.A.

Pagotza pol. ind. 20690 ELGETA, Gipuzkoa
Tel. zentrala: 943 78 80 00. Faxa: 943 78 90 10
Posta elektronikoa: recyde@recyde.es



ISO 9002
QS 9000
ISO/TS 16949

EROSLE

M. Asun Agirre

Salbador 26
ELGETA
Tel: 768190

GOIO SARASUA

Igeltzeritza lanak
Tei atuak
Sukaldeak
Etxaurreak
Komunak

Otzango Behekoa Baserria
ELGETA
Tel: 943 86 01 56

ERRETRATUZAHARRA

Antzuolako txistularien alardea 1991n

Antzuolako txistulari guztiek, eta izandakoek, alardea ospatu zuten 1991ko maiatzaren 19an. Herri txikia izanik, txistulari talde handia ikus dezakegu argazkian. Gabonetan ere urtero izaten da txistularien emanaldia. Aurten, abenduaren 30ean izango da.

Goian, ezkerretik eskumara: Juan Jose Jauregi, Aitor Peñagarikano, Gotzon Iparragirre, Iker Manso, Iñaki Legorburu (gorago), Jose Luis Zabalo, Iñaki Zubillaga, Jose Angel Zabalo, Juan Tomas Zabalo eta Jesus Zabalo.

Bigarren ilaran: Eloy Igartza, Fernando Lete, Fernando Azkarate, Nerea Garitano, Igor Zubillaga, Argiñe Agirre, Amaia Toledo, Ander Arangueren, Bakarne Larrea, Jose Ignacio Jauregi, Aintzane Iraeta, Anton Valverde, Iñaki Elortza, Blanca Legorburu, Meltxor Legorburu, Itziar Manzisidor, Juan Gabriel Urriategi (atzean), Iñaki Arregi, Basili Ormazabal, Patxi Azkarate, Joseba Iparragirre, Felix Garmendia, Jesus Zubikarai, Migel Angel Artolazabal, Luis Azkara-



te, Pello Lete, Jose Luis Lizarralde, Xabier Legorburu eta Ruben Iturbe.

Hurrengo ilaran: Koldo Madariaga, Aitzol Jauregi, Jesus Maria Amasorrain, Izaskun Larrañaga, Andoni Larrañaga, Amaia Moreno, Isabel Elortza, Maite Zubikarai (aurrealdean), Argitxu Mondragón, Johana Sánchez, Naiara Cuevas, Kontxi

Elortza eta Nerea Arregi (aurrean).

Behean, bigarrenean: Mireñ Karmele Iparragirre, Amaia Etxaniz, Noelia Matilla, Alaitz Jauregi, Ainara Urrutxi, Leire Lizarralde, Oihana Jauregi, Jaione Castro, Arkaitz Zabalo, Iker Larrea, Eneko Lizarralde eta Miriam Fortuna.

Makurtuta: Bittor Arbulu, Patxi

Olabarria, Andres Arbulu, Aintzane Muruamendiaraz, Nora Legorburu, Nekane Idiákez, Gervasio Legorburu, Aitziber Goñi, Eider Jauregi, Rakel Fortuna, Izaskun Fernández eta Oihana Domínguez.

Argazkia: Kontxi Elortza

NOLAALDATUDIRENGAUZAK

Elizako kanpandorrea erre zenekoa

Kanpandorre zaharra 1866an eraiki zuten. Oraingoa, berriz, 1952an bertan hasi ziren konpontzen. Izan ere, urte hartan, 1952ko urtarrilaren 26an, hain zuzen ere, tximista batek jo zuen kanpandorrea eta erre egin zuen.

Erre eta berehalaxe hasi ziren konpontzen, gaur egun daukagun kanpandorrea egiten, hain justu.



1950

Kanpandorrea erre baino pare bat urte lehenagoko argazkia duzue honako hau, 1952an erre zen-eta. Kanpandorre zaharra ikus daiteke.



2001

Gaur egungoa 1952an bertan hasi ziren konpontzen, berreraikitzen. Itxura antzerakoa duten arren, argi ikusten da bien arteko aldea.

M
MEMESA

INDUSTRI HORNI DURAK

Tel. 943 71 24 25
BERGARA



Zumelaga
JATETXEA

59 urte zuen zerbitzura!


San Antonio 5. BERGARA. 943 76 20 21

Zuri Beltz
margoak

Barnealde eta kanpoaldean
erreforma

Pintura zerbitzu osoa
Moketak

943 76 14 60
607 447 494
943 76 59 59
Bergara



Manufacturas
LARRAÑAGA

• Lan-babeserako artikulua
• Seinaleztapena
• Jantziak

Leizeaga 1. BERGARA
Tf. / faxa 943 76 59 53.




UGARTE

A R O Z T E G I A



- Apainketa
- Altzariak
- Leihoak
- Ateak
- Horma armairuak



Gugan
konfiantza
izan duzen
guztioi,
zorionak eta
urte berri on!



San Juan, 1 A • BERGARA • Tel./ Faxe: 943 76 54 91



Udazken kulturala 2001 Azken txanpa

2001.12.22, larunbata

Gabonetako kontzertua:

Udal Musika Bandak, Bergarako Orkestra Sinfonikoak, Aritzeta abesbatzak, Bergarako Orfeoiak eta Orfeoi Gazteak eskainia,

• 22:00etan Udal Pilotalekuan.



2001.12.24, astelehena

Olentzerok umeen kartak jasoko ditu.

• 19:00etan San Martin plazan.

2001.12.26, 27, 28, eta 29

Gabonetako haurren jolas parkea.

• Haurrentzat ur jolasak Agorrosingo igerilekuan:

Goizeko 10:30etatik 12:30etara,

• Haurrentzat jolas parkea Labegaraieta kiroldegian:

Arratsaldeko 3:30etatik 6:30etara



2001.12.30, igandea

Tutik ere Clowns pailazoen 'Ez adarrik jo' ikuskizuna

• 17:00etan Udal Pilotalekuan.

2002.01.05, larunbata

Bizar zurik umeen kartak jasoko ditu. 18:00etan.

• Errege kabalgata. 19:30ean.



BERGARAKO
UDALA

JAKINA

FAGOR altzarien Bergarako banatzaile bakarra



Zure etxeko sukaldea berritu eta altzariak jarri aurretik, zatoz Jakinara. **Diseinua, kalitate/prezio** erlazio bikaina eta **saldu osteko zerbitzu** ezin hobea eskaintzen dizugu...

Eta zeramikako azken berrikuntzak.

Jakina, zurekin pentsatzen.

FAGOR 
Sukaldeko altzariak



6
URTEKO
GARANTIA

JAKINA, bainugelak, zeramika eta sukaldeak

San Lorenzo Industri Poligonoa, Amillaga 10, behea. BERGARA.
Telefona: 943 76 03 30. Faxe: 943 76 02 91.